

EW NAMOPUNG

A awora ukukun \$11,160 seni ewe Monienapen ewe Legislature-un Chuuk ren fan asengesin ewe Monien Aninnisin Senseen Ekkewe Sukun Esap An Muun, me pwan ren ekkoch popun.

Epwe Pung me ren ewe Legislature-un Chuuk pwe:


Tetten 1. Iei a kawor ukukun \$11,160, ika fite ukukun mei namwot ren an epwe tongeni naaf, seni ewe Monienapen Legislature ren fan asengesin ewe monien aninnisin senseen ekkewe sukun esap an muun, fan pungun Sopun 9, Itenap 15 me non ewe Pukenapen Annukun Chuuk.

Tetten 2. Met ukukun ei moni mei kawor esemwo mwokut ika nounou tori non September 30, 1979, epwe niwinsefaan ngeni ewe Monienapen Legislature.


Tetten 3. Ewe Choon Isoni Moni non Chuuk epwe awora an repot ngeni ewe Legislature me mwen May 15, 1979, epwe affatatiw napanapen nounoun ewe moni mei kawor non Tetten 1.

Tetten 4. Ei Namopung epwe poputa pookkunan non January 1, 1979, ika mei kapunguno me ren ewe Kepina. Ika an pwan wiliti auka non ewe kapunguno.

SAIN SENI
TAKUUN
TRUK DISTRICT GOVERNMENT

Annetata: 
Datasi Albert
Legislative Clerk/Secretary
Truk Legislature
Truk District Government

PWININ MARAM: _____

A Kapunguno seni: 
Erhart Aten, Kepina
Truk District Government

Pwinin maram: December 26, 78